

VAWISUN THUPUI

Lalpa chun, ama ngaisaktuhai chu thlemna inthawka sansuok dan le, an felnawhai chu rorel nia dingin hrem puma khek dan a hriet si a. Chakna inthiengnaw kawnga tisa anga um le rorel pekna hmsittuhai lemlem chu rorel nia dingin hrem dan a hriet nawkuol a nih. Invethuoi le kawmaw an na, ropuinahai an hrilsiet khawmin an inthin ngai nawh.

-2 Peter 2:9-10

Editorial

Sawr tlaka intathriem

Lo vat ding chun chem le hrei hai hmgang tlak dinga tathriem an ni hlak angin Sa kap dinga ramsuok ding hai chun ei hmgang ding silai hai sukfai amani annawleh hmgang tlak an ni le ninaw ei enfel hlak.

Tulai khawvel hi tienlaia Matric, PUC le Graduate hmasa sa sawrkarin sin thaw ding a pek el ang hun kha a ni tanaw a, a thiem le var, a tin le tlak hai chau dingchangna, competitive world a cheng ei nitah ti hi mihriem a tunga lawn taphawt chun hril ngai lova ei hriet seng a ni ring a um.

Politician thilthaw thei tak han indiklo taka motor khal thei lo inchukti fawm dinga Driver ding an lo lak el hlak hun kha ei pel ta a; motor khal thei ringawt khawm nita lovin, motor khal dinga mi dit hai chu motor ngirhmun hrie a, lam lakah motor a buoi met khawma siemtha thei ding hai kha tulai chu mi han Driver dinga an dit a ni thah.

Ei hriet seng angin tulai khawvel thiemna nasa taka an sang pei lein le, mihriem ei pung pei lein sawrkarin sin a mi dai tanaw lein ei ramah sin neilo thalai an pung pei a. Hienga thalai sin nei lo pung pei hi suolna chi tum tung hluor nasan a nih ti sawrkarin a hriet lein; thalai lekhatiem po po sawrkarin sin a pek vavng theinaw lein kawng hran hrana mania fak inzawng theina ding, projects, schemes le thil dang dang haia dingin thalai a tam thei ang tak training pek tumin sawrkarin thlungpui chun hma a lak zing a, ei khawtuol a ngei khawm a thlawna training theina dam a hung hawng a nih.

Mi tuin amani a thlawnin motor mi hung pe sien, ei khal thei sinaw chun hmgang bo a ni ding ang bawkin ienganga projects le Scheme tha khawm ei rama phurlut khawm hung nisien, a ram mi hai sawr le hmgangtlak ei um tlak naw chun chuang Projects le Schemes hai chu hlakpuiena iengkhawm nei naw manih.

Hieng a ni lei hin tulai khawvel sawr tlak ni ding chun mi tamlem han training ei uor a pawimaw hle a nih. Lekha inchuk pangngai inchuk a, lo graduates ve mei mei amani hai ta dingin chance hi a la hung vang deu deu ding a ni lein khawvel in hmatiang a pan ruola hma ei sawn theina ding le, khawvel ke pen ruola ke ei pen ve theina dingin training le professional line a lut hi thalai han ei insukhmu a tul ta takzet a nih.

Churachandpur district-a cheng hai ta dingin Saikawthah sawrkarin Industrial Training Institute (ITI) a mi hung inthut pek a, sienkhawm a mipui han sawr tangkai ei tumnaw lein hostel leh burip khaka sawrkarin a hung sie nisi kha tawp em em le, Hostel lem chu hluo tlak talo, Bawng In in an chang mek a nih. A tuolsungmi han a hluta le tangkana ei hrietnaw leia phairam mi han lawmsa tia an umna biel sunga seat changlo han an hung hnawt tawk tawk dam hi a pawl hle.

Chun, ieng thil khawm training inla, Certificate neka pawimaw chu thiemna le theina kha a ni lem ti hre tlak a, mani thil inchuk kha hmgang tlak dinga thiem ngei ngei ei tum ding a nih. Delhi-based employment solutions company in survey an thawnaa chun engineering students 150,000 hai lai survey an thawnaah 7 percent vel chau sawrtlak (employable) an nih ti an hmsuok. Hi thil hin Engineering zo nazawng sawrtlak an lo ninaw ding zie a sukchieng. Sum tam tak senga training zo nisi, iengleia sawr tlak lo chu um thei am ning a ta? Hiengang bawh hin India ramah kumtin a sangtel graduates an um a, sienkhawm hieng hai laia 47 percent hai chu sawr thlaklo (unemployable) an nih tiin survey report chun a hril. Eini laia thalai sin nei lo, thaw nei lo ei pung tuol tuol nasan khawm hi iengdang lei ni loin, sawr tlak ei tlawm lei a nih ti inla ei hril suol ring a um nawh.

Ei ram hi sawrkarin suk hmasawna a tum tak tak a ni chun Project le Scheme lien lem a la hung keilit pei ding a ni a, chu huna hnamdang le midang sawr tul loa a technical tieng ni leh sawrkar sawr tlaka ei um theina dingin thalai han sawr tlak ni dinga ei lo intathriem hi a pawimaw an a tul takzet a nih.

Minister-in Regional Seminar-cum-Workshop A Hawng

IMPHAL: Education minister Mr Th Radheshyam chun, ni khat aw Regional Seminar-cum-Workshop on "Sustainable Skill Development in Higher Education: Problems and Prospects" ti chu Thawtanni khan Dhanamanjuri College of Science, Imphal ah a hawng.



dinga thiemna (skill) an nei a pawimaw tah a nih tiin a hril bawh.

Seminar-cum-Workshop hi Deen Dayal Upadhay Centre for Knowledge Acquisition and Up-gradation of Skilled human Abilities And Livelihood (DDU-KAUSHAL) rentina hnuoia Dhanamanjuri Community College-in a huoihawt a nih.

Thalaihahai chu an thil thaw nuom vision fe tak neia, opportunity tamtkhah a inthawkin an thaw thei ding thlang thiemna a sukputling theina dinga thei tawpa an suo a pawimaw zie a hril a. Training an zo pha um mei mei lovin khawtlang ah contribution an nei ve theina dinga taima taka sin an thaw dingin an fui tawl bawh.

Jt Secretary UGC (NERO) Dr Mohd Arif chun, ram danghai le khai-khin chun India chun thalai kum 20-25 inkar mi (demographic dividend) a nei tha taka, chu umzie chu sinthawthei thalai a hau hle tina a nih. Chuleiin, ruohmannna thatak education chun ei ram economic product, cultural hausakna, technology hmasawna, insawrkarna thalem le hmasawna hrat tak an tlu thei ding a nih tiin a hril.

Dhanamanjuri Community College hi 2014 khan trade pahni, Advanced Diploma in Medical Lab Technology le Advanced Diploma in Fruits & Vegetables Technology haih hawng a nih. Kum 20156 khan trade dang pakhat Advanced Diploma in Television and Media Productions chu UGC hnuoia DDU Kaushal Kendra scheme dinga approved le Centre for Research and Development dinga upgrade a nih.

PDS Item Zaurhai Hrem Ding: Minister

IMPHAL: Mi tukhawm PDS item hai bazaara-zaw hmu le hriet an nih chun na taka hrem ning an tiin Mr Karam Shyam, Minister, Consumers Affairs Food and Public Distribution chun Directorate Complex (CAF & PD) ah facilitation program an neina ah a hril.

Thawtanni khan thawktu pension tahai inthlana le minister lawmlutna hunser an nei a. Minister chun, PDS item, bufai, chini, khawnvartui hai a ni dan ding anga sem lova a ruka bazaara or dawr-a zawr ruk hmuhai chu na taka hrem an ni ding thu a hril a. Mipuihai hmakhuo ngaia taha taka sin thaw dingin an fui tawl.

Mipuihai kuomah a tam thei ang tak bufai le khawnvartuihai pek a ni theina dingin mipui thlang lal le sawrkhar thawktuhaiin mania mawphurna le neitunina laa an sin tha taka an thaw a pawimaw zie a hril a. Union minister for Consumer Affairs, Food and Public Distribution Mr Ram Vilas Paswan a nih lein remchang laa a tam thei ang tak Godown hai khawm bawl a ni ding thu a hril bawh.

Director Ranjan Yumnun chun, a hun takah indik taka mipui hai kuomah bufai le thil dang dang Food Security Act dungzuia a tung chat chat a pawimaw nih, tiin a hril a. PDS computerised vavng a ni phat chu a putsuok le lakthe/indar, fakruk hai a tlawm sawt tah ding thu hrilin, pilot basis-in Fair Price Shop hai po po Internet Enabled Point of Sale (POS) a inchangtir vavng an nih ding thu a hril bawh.

Nagaland HSLC le HSSLC result puong

KOHIMA: The Nagaland Board of School Education (NBSE) chun zanikhan High School Leaving Certificate Examination (HSLC) le Higher Secondary School Leaving Certificate Examination (HSSLC) 2017 result a puong.



97.17% le 96.67% hmuin pahinna le pathumna an nih.

HSLC exam a hin candidates 22,446 an exam a, hi lai hin 15,754 an passed a, pass percentage 70.19 a nih. Deepa Mishra of Holy Cross Hr. Sec. School, Dimapur chun marks 97.67 percent hmuin ranking pakhatna a ni a, Nandita Paul of Pranab Vidyapith HSS, Dimapur le Harsh Jain of Don Bosco HSS Dimapur hai chun marks

zero percent) a ni a, private schools 385 um hai lai School 2 hai chu an nil ve thung. Class XII (HSSLC) Arts stream a chun candidates 11,653 um hai

NEET question paper pe dinga students hlemtu mi 5 man

JAIPUR: MBBS inchukna dinga National Eligibility cum Entrance Test (NEET) exam question paper supply ding tia student thenkhat hlema pawisa lapekta intum sawrkar thawktu pakhat thangin gang members 5 hai chu Police han an man.

ATS Umesh Mishra chun a hril a, Irinini zan khan candidate thenkhat chu question hi an pek ngei a, sienkhawm zani hmasaa NEET exam huna hung suok question hai leh an ang pakhat khawm a um naw a nih. Hi le inzawm hin student thenkhat chun pawisa imanizat an lo pek hman nia hril a ni bawh.

Bhupendra Sharma hai an nih. Gupta le Rahul hai hi Delhi haia man an ni a, a dang hai po hi Jaipur hmuna man an nih. Mana um hai laia Bhupendra Sharma hi state animal husbandary department-a livestock assistant a nih. Mana um hai hin Bihar-a gang pawl khat leh inzawmna an nei niin ADG Mishra chun a hril a, hi thua hin midang 4 vel man belsa la ni el theia hril a nih. (PTI)

Odisha cabinet sawidanglam; minister 12 laklut

BHUBANESWAR: Odisha Chief Minister Naveen Patnaik chun zani hmasa kham mi thar 10 lalut sain a ministry a sawidanglam. Mr Naveen Patnaik in cabinet a sawidanglam huna hin minister 2 hai chu Cabinet rank-a hlangkai an nih.

Inrinini khan ministers 10 hai chun inbanna an pek a nih. Tuta tum hi Mr Patnaik in a ministry kum 3-a upa a sawidanglam vawikhatna a nih. Minister dinga laklut thar hai hin Raj Bhavan-ah governor S.C. Jamir hmaah minister dinga intiengkamna an nei nghal. Hi huna hin Chief Minister le senior ministers hai khawm an thang.

Minister pahni cabinet rank-a hlangkai hai chu Prafulla Mallick le Ramesh Chandra Majhi hai an nih. Mi thar cabinet-a laklut hai chu- S N Patro, Niranjan Pujari, Pratap Jena, Maheswar Mohanty, Sashi Bhusan Behera le Prafulla Samal hai an nih. (TOI)

SP in Shivpal faction-a mi SP leaders 6 a hnawtdawk

LUCKNOW: Samajwadi Party (SP) chun zani hmasa kham Shivpal Yadav pawl tienga thang SP leaders 6 hai chu Samajwadi party-a inthawk a hnawtdawk. SP a inthawka hnawtdawk party leader hai lai hin Mohammad Shahid, Deep-

ak Mishra, Kallu Yadav, Rajesh Yadav le Rakesh Yadav hai an thang. Mr Shivpal in party thar 'Samajwadi Secular Morcha' indin dinga a hrilrik le inzawma party leaders 6 hai hi hnawtdawk an nih. Shivpal Yadav in party thar an

ding le inzawm hin Mulayam Singh Yadav chu party national secretary a ruot a nih. UP CM hlui Akhilesh Yadav chun, 'politicians kan ni a, tu'm ruoltha anga inlang kan hmelma hai chu awlsam takin kan thlierhran thei a nih tiin a hril. (ANI)

Minister-in Jiribam le Nungba a sir- sunzawmna

A ni hnaia chun, Jiribam Horticulture Office le Progeny Orchard-cum-Nursery a sir a. Kaisal Punji-a Chaudhrikhal Range office hnuoia Borobekra Forest Office khawm a sir bakah, Lamtaikhunou sirin tuolsung nuhmeihai leh hmasawna ding thil tamtak an hriltlang bawh.

Jiribam a inthawka a hung kir hin Nungba ah chawlin, Forest department hai inhmupuiin tuolsung mihai khawm an biekpui bawh a. Longmai community hall ah mipuiin an lo lawmlut a. Memorandum an lo pek bawh.

Minister chun, Chief Minister le hung inrawn an ta, tlangram hmasawna dinga sawrkhar thlungpuiin Rs.150 crore a pek a inthawka a pawimaw le tulhai sukputling thei dan lampui a hung ngaituo ding thu a hril. Losinthawtuhai chu Sap Hmarcha (U Morok or King Chilli) le Serthlum ching uor dingin an fui a. A pawimaw le tul ang pei hmangruo man dinghai chu sawrkarin fund a pek ding thu a hril bawh.

Minister chun, sawrkarin thil a thawna tinreng ah lang tlang takin a thaw pei ding thu a hril a. Abikin Forest Department sukhrat a ni ding thu hrilin Keithelmanbi Forest Beat office a sir bawh a. Thawktuhai leh Forest department sukhrat dan dinghai an hriltlang a.

Chief Minister Mr Biren Sing le a sawrkhar chun mipuihai hmasawna ding le hamthatna dingin theitawpin sin an hung thaw pei ding thu le mipuiin nasataka lo thlawp dingin a fiel bawh.

Ama that ngei a ni thu a puong

IMPHAL: May 5, 2017 nia Chingmeiiong Kabui Khul hmuna room sunnga Lunglailiu Rongmei a thissaa hmu chu ama that a ni thu a pasal Inoucha

chu a puong. Lunglailiu Rongmei kha a ringa athlum saa hmu a ni a, a nuhmei hi ma that ngei a ni thu Police hmaah an puong a nih.

Hmeithai suom; Rs. 30,000 vel an lakpek

AIZAWL: Zani zantieng dar 1 vel khan Champhai Kanan Veng-ah tu ti hrietlo han hmeithai Pi Vanlalneihmawii (62) chu a In sungah suomin an sawisak bakah a pawisa Rs. 30,000 vel an lakpek niin ei thu dawngna chun a hril.

fakzawng a ni a, In hnuoia Dum a suk laiin a ina thil ri a hriet lein a hung enfela. Chu huna misuol hai hin an lo sawisak le a pawisa hi an lakpek a nih. A luah hliemna a tuok lein Champhai Civil Hospital-ah admit a nih. Police chun hi thil thawtuhai hi man tumin an zawng mek.

MADC election-ah Congress an hrat

AIZAWL: Mara Autonomous District Council (MADC) inthlangnaa vote tla hai chu zani zing dar 10 a inthawk kham tiem tan a ni a, sawrkhar chun MDC seats 25 umah

seats 17 lain hratna an chang. MNF le MDF coordination chun biel 7 lain MNF in biel 5 le MDF in biel 2 an lak a, Independent candidate KL Bana chun Tokalo bielah hratna a chang bawh.

HP CM Virbhadra le a nuhmei Court in a ko



NEW DELHI: Himachal Pradesh Chief Minister Virbhadra Singh le a nuhmei Pratibha Singh hai an sum lamsuokna le inphu loa an hausak (disproportionate assets) le inzawmin Special Court chun May 22, 2017 nia Special Judge Vi-

render Kumar Goyal hmaa inlang dingin a ko. Anni baka hin Chunni Lal Chauhan, Joginder Singh Ghalta, Prem Raj, Vakamulla Chandrasekhar, Lawwan Kumar Roach le Ram Prakash Bhatia hai khawm a ko sa bawh. (PTI)

HPC(D) 2 an man

HMARKHAWLIEN: May 6, 2017 khan 37-Asam Rifles under 22 Sector/IGAR (East) chun Hmarkhawlien-ah HPC(D) cadre pahni Bona Hmar le Israel Hmar hai an man niin ei thu dawngna chun a hril.

CBI in Bhupinder Singh thu indawanna an nei



NEW DELHI: Haryana Chief Minister hlui Bhupinder Singh Hooda chu zanikhan Central Bureau of Investigation (CBI) han

ity (HUDA) in Panchkula hmuna indiklo taka industrial plots 14 zet pekdawka intumna case a ni a, hi ram pek huna Hooda kha HUDA chairman a nih. Hi thua hin UPSC member le Haryana Principal Secretary hlui Chatter Singh khawm CBI chun thu indawanna an nei. Hieng ram pekdawka dinga order hi Chief Minister Office-a inthawk pekdawk a nih tia intum a nih. (EWD)

AIADMK faction han BJP candidate an thlawp el thei

CHENNAI: July thlaa India President inthlangna hung um dinga hin AIADMK faction chun BJP candidate an thlawp el thei nia hril a nih.

Gurgaon-a ram inpekna chungthuah a vawikhatna dingin thu indawanna an nei. Hi thil hi Haryana Urban Development Author-

MLAs 122 a nei a, O. Panneerselvam hi MLAs 12 in an thlawp a nih. AIADMK MPs 50 um hai laia a tamlem chun tuta CM ni lai K. Palaniswami hi an thlawp a, DMK le an thlawppui han MLAs 97 le MP 4 an nei a nih. DMK chun President election thua hin June thlaa M. Karunanidhi piengchampha huna opposition Unity meet neini president election chungthu hi hriltlang an tum. Hieng laizing hin BJP chun AIADMK faction hai thlawpna hmu ngei tumin hma an lak zing a nih. (TNN)

ALL INDIA RADIO: CHURACHANDPUR PROGRAMME Date: May 9, 2017 (Thawleni) TRANSMISSION- FM-101.4 Megahertz

Hours	Studio/	Programme
4.53pm	CR/P	Signature
4.55pm		Vande Mataram, Time Reading, Opening Announcement & Mangal Dhvani
5.00pm	P	Hymns to God : (Hmar) Lalrovel (dev)
5.05pm	P	Local Announcement/Prog. Summary
5.10pm	P	Minor Dialect (Kom): Darneimawli Kom (mod)
5.25pm	P	Science Hints (Hmar): Waste Management - by Immanuel Pulante
5.30pm	P	PAITE Prog. Sig. Tune & Announcement Announcer: Chingnaim 1) Sianzaneng & party (trad) 2) Talk: "Swings bawl a pomoh dan leh scheme tuam tuamte" - by Mawi Valte
6.00pm	P	HIMAR Prog., sig. Tune & Announcement Announcer: Kamminlin 1) Lalramthang (mod)
7.00PM	P	THADOU Prog., sig. Tune & Announcement Announcer: Nemjalhai 1) Kimmeichong (dev) Farm & Home: Hmar 1. Saikawt ICI KTP (dev) 2. Talk: "Preparation seedbed for paddy cultivation" by Johnson

Editorial Board
Lalmalsawm Sellate: Editor & Publisher
Roding L. Sellate: Jt. Editor
Lalsansuok Pulante & Samuel Zothanglien@SZ Zote: Sports
Joseph Joute: Freelance
Lalruothli Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

LAKTAWI

Army jawan 2 le civil mi 2 vadungah an tla hlum

JAMMU: Zani hmasa zantieng khan Jammu and Kashmir-a Reasi le Udhampur district haiah Vadungah Army jawan 2 le civil mi pahni an tla hlum. Army Jawan pahni hai hi Udhampur district-a Kawa hmuna Tawi vadungah tui insila an fena changsuola tla hlum an ni a, an ruong nasa taka zawng a ni hnungin zanikhan hmu le tui inthawk laksuok a nitah. Army thi pahni hai chu Sepoy Vinod le Havaladar Anshul hai an nih.

Chun zani hmasa zantieng ma khan Reasi district-a Gulabgarh hmuna Kaksi area-a vadung tui palikai an tum lai changsuolin civil mi pahni - Bahar Din le Mohammad Irfan hai chu vadungah an tla hluma, an ruong hi hmu a la ni nawh. (PTI)

Jet Airway vuongna an inhrutluk

NEW DELHI: Delhi Airport-a chun zani hmasa khan Jet Airways vuongna pahni Delhi a inthawk Srinagar pan ding 9W 603 le Delhi a inthawk Patna pan ding 9W 730 hai chu an inhrutluk pal a. Amiruokchu, vuongna sunga chuong passenger hai chu himin an suok vawng. Hieng vuongna pahni hai hi Jet Airways engineering team han an enfel mek. (ANI)

North India tieng boruok lum

NEW DELHI: North India tieng chun boruok a lum hle a, zanikhan Delhi a boruok lum dan chu 44.1 degree Celsius a tling phak a, tukum sunga a lum tak tum a la nih. Hisar (Haryana) a khawm 45.4 degree Celsius a kaiphak a, a pangngai neka let 4 in a lum lem a, Patiala khawm 43.6 degrees Celsius a nih.

Himachal Pradesh-a Una hmun chu 42.2 degree Celsius a tling phak a, Uttarakhand le Jammu and Kashmir hai khawm normal chung an nih. Uttar Pradesh hmun tam lem chu 45 degree Celsius a kai phak. Chun, Jhansi, Orai le Allahabad hai khawm 45 degree Celsius an chung.

Minister hminga sum ngentu typist man

MUMBAI: Maharashtra a minister Ramadas Kadam residential office-a typist-cum-clerk sinthaw Mahesh Sawant chu telephone hmanga mi thenkhat kuoma minister hminga sum a ngen leini Police han an man.

FIR file-a um dungzuiin Sawant hin Vidarbha region-a sumdawngtu pakhat kuomah Rs. 10 lakh a ngen tia intum a ni a, midang kuomah hiengang demand a lo nei le neinaw Police chun an suizui mek. (AIR)

Pawisa hlui Rs. 9.89 lakh man

DHUBRI: May 7, 2017 khan Assam police han Gauripur PS huomsunga Pub Tiymari area hmunah pasal pahni hai chu India pawisa hmang thei ta lo dinga that ta hnung Rs. 9.89 lakh leh an man. Hieng pawisa le mana um hai hi Mofil Uddin Sarkar kuta inthawka man a nih.

Fodder scam thuah Lalu chun-gthu ngaituo dingin

NEW DELHI: Ranbu ding inhawka ding sum cheng vaibelse tiel sukchavaina thuah Bihar Chief Minister hlui le RJD President Lalu Prasad Yadav chung a intumna case hran hran 4 hai chu ngaituo dingin zanikhan Supreme Court chun order an suo. Lalu chung a thubuo um hai hi tuta inthawk thla 9 sunga chingfel dingin Supreme Court chun order an suo a nih.



Lalu Prasad hi Chief Minister a ni lai Bihar-a Animal Husbandary Department a inthawk ranbu inhawka ding Rs. 900 crore vel zet indikko taka sukrirala intum a ni a. Jharkhand High Court chun hi le inzawma case hran hran hai proof pakhat hmangin mipakhat chungthu a ngaituo theinaw thu hrilin hi thubuoia inrawlna nei hai case popo a lo suktaawp a nih.

LWE han Democracy sukbuoi tum hai sienkhawm hlawtling ngainaw nihai: Rajnath Singh

NEW DELHI: Left Wing Extremes (LWE) groups han ei ram democracy le development sukbuoi le sukchau tumin thaw hai sienkhawm hlawtling ngainaw nihai tiin Union Home Minister Rajnath Singh chun zanita New Delhi hmuna Left Wing Extremist hai chungthua Chief Ministers le Union Ministers hai review meeting a neipui huna a hril. India ram hi khawwela democracy rambung lientak a



ni a, LWE groups hai chun ei ram democracy hi sukchau le sukthluk an tum a nih tiin Mr Rajnath Singh chun a hril. Zanita Home Minister Rajnath Singh in Chief Ministers le Union Ministers hai review meeting a neipui huna hin Extremist hai tukdawl dan ding hai hriltlang a ni a, security forces han standard operation procedure indin taka an zawng a tul thu, motivation le training thalem nei a tul thu, operation a hlawtling theina dingin leadership tha le inthuroalna thatak nei a tul thu hai Rajnath Singh chun a hril.

Thamna Rs. 1.25 crore laa intum IRS Officer man

MUMBAI: Indian Revenue Service (IRS) Officer Ashok Venkatesh Naik, tuta Assistant Commissioner of Service Tax, LTU Audit, Mumbai a thawk lai mek chu Navi Mumbai a hotelier pakhat kuoma inthawk

thamna Rs. 1.25 crore a lak tia intumna leini anikhan CBI han an man. Enforcement Directorate (ED) inquiry leia a naratsna chingfel pekna dingin Hotel neitu kuomah Rs. 12 crore a ngen nia hril a nih.

GST July 1 a inthawk hmang tan ding

TOKYO: Goods and Services Tax (GST) chu July 1, 2017 a inthawk hmang tan ning a ta, GST hmang lei hin services thenkhat man chu kaisang ngei a ta, sienkhawm thilman kaisang pha chuong naw nih tiin Finance Minister Arun Jaitley chun zanikhan a hril.

kha a hranin tax lak a um tanaw ding leini India rama sumdawngna nasa takin a sukawlsam pha ta ding a nih tiin Jaitley chun zanita Tokyo hmuna CII-Kotak investors round table nei huna thu a hrilnaah a hril. GST hmang ding le inzawm hin tuta inthawk ni tlawmte hnungah goods le services haia tax lak ding zat rates hai sukfel ni tang a tih tiin Jaitley chun a hril. (PTI)

CRPF in Central Zone Hqtrs. Raipur tieng an sawn

NEW DELHI: Central Reserve Police Force (CRPF) chun Central Zone headquarters chu Kolkata-a inthawk Raipur tieng sawn an tum.


Thil thaw remchang le tha lem dinga hriet lei le top brass state police hai le inpawna le thawtlangna thalem a um thei ding beiseina leia thutlukna siem a nih. Central Zone CRPF hi Special Director Genral rank officer in Chhattisgarh le Jharkhand hai thanga Naxal hai hrangna state haia operation thawna a enkai a nih. Hi baka hin Special Director General le Additional Director General hai khawm Raipur tieng insawn dinga inhricttir an nih. Tuhin Inspector General rank Officer chu operations enkai dingin Raipur-ah an nghtat mek a nih. (ENS)

BSP leader thatna le inzawmin pasal pakhat man

MUMBAI: March 18, 2017 nia Allahabad hmuna Bahujan Samaj Party (BSP) leader Mohammed Shami kap hlumtu nia intum Nasir Ahmed Qureshi (52) chu zanikhan Mumbai police han an man.

Shami kha a office tuola a Car pana a fe lai meka kap hlan a nih. Mr Qureshi hi Mumbai Police han Cars 5 inrukna le inzawma Mumbai Police han man dinga an zawng mek a ni bawk a nih.(TNN)

Space Plane X-37B, khawvel a hung tum nawk tah



FLORIDA: US military space plane (van boruoklawng) ni 718 sung zet van boruokah iem a thaw ti puonglang lo, sin neia fe US air force hai vuongna Space Plane X-37B chu Florida-a NASA ta Kennedy Space Centre ah Pathienni khan inri hum hum (sonic boom) in a hung tum a. Mi tamtakin iem a na ti an hriet naw leini an tithawngin an thla a phang hman hle niin media report chun an hril. Space shuttle Discovery (van boruoklawng) ang deuh, fit 29-a sei, a thla fit 15, Boeing company siem vuongna hi tuta NASA van boruoklawng chawl tah

Discovery le a dang danghai ang tho a nia chu anni nek in a let liin a chin lem a nih. Vansang-ah kum 2 vel chu an hang thang thei a nih. US air force chun, hi vuongna hin risk reduction, experiment le van boruoklawng hai hmang nawk pei thei an ni dan ding, 'concept-of-operations development for reusable space vehicle technologies' thawa fe a nih tiin an hril a. Mission lai po pova chu a la sawt tak palina hi sengso zat ruok chu an puong nawh. Van boruok fang suoka ralmuung taka khul inzinna sukchangkang theina ding hmalatu, non-profit organization pakhat Secure World Foundation chun, a ruk ti ti deuva X-37B hum sawt tak vansanga a chamna hin 'intelligence-related hardware' an ensinna a nih el thei tiin a hril. US air force thusuokin a hril dan chun, X-37B (Orbital Test Vehicle) hi United Launch Alliance le Lockheed Martin Corp le Boeing Corp han thanguola an siem rocket Atlas 5-in, Cape Canaveral Air Forces Station a inthawka May 2015 nia a phur suok a nih a. Ni 700 neka tam vansangah a um hnungah hung tum a nih. "A mission hmasatak chu April 2010 khan a tan

a, thla riet sung a aw h. A pahni chu March 2011 khan thla 15 sung a nih. A pathumna chu December 2012 khan thannin thla 22 hnungah a tawp a. Tuta ni 718 mission hi a palina a nih tah. Kum tawp tieng khin mission dang tan nawk a tih, tiin a hril. NASA hotu Orlando Sentinel hril dan chun, 'sonic boom' (vanboruoklawng a hung tum a ni ru hum ang hi) hienglai biela hin kum 30 sung kha chu NASA space shuttle hai hung tum ri inzing taka hriet hlak a nih a. Kennedy Space Centre a hung tum tawm hin inring tak tak 'boom' thawk hniin a um hlak a. Amiruokchu, chuong ang van boruoklawng hung tum nawna chu kum ruk nek in a tam tah leini X-37B a hung tum hin mak an ti deuh niin a hril. Space travel le inzawmin tulai hnai khawm khan SpaceX hai vuongna Falcon 9 a hung tum a - hieng ang tho hin inri hum hum (sonic boom) a siem tho a nih. Amiruokchu, official haiin X-37B hung tum ding hin hi an lo puong nuom naw leini tamtak inring lawk lovin a thawng tawl leini an thla a phang hman ti thu chauh a

nih, tiin a hril bawk. Hi X-37B space plane hi van boruok (khawvel puotieng) a inthawka khawvel boruok (atmosphere) se der lova hung lut nawk (re-entry) thei vuongna changkangtak le thar tak a nih a. Tienlaia rocket hmanga kap suok khawvel hung lut nawk thei tah lohai ang kha chu an ta nawh. Khawvel van boruok inzinna kawnga intansiakna hi hma a sawn pei a. Vanram le meidil umna chen zawng nuom pawl chen dam an hung um thla a. Vuongna hmanga thla le arasihai nuom nuoma inzin nuom pawl an pung pei a. Pathien thu an dik peia, arasia mihrim kai thei hun khawm a la um ding niin an lang a. Van thilthawtheinaha in hning dur dur zing chu an tah. Hi chanchin le lim, detail hie nuomhai chun #AirForce #X37B #Space @NASAKennedy ah hmu thei ning a tih. Twitter ah chu www.twitter.com/02WdzMSDje le https://t.co/GUGeOMQiyg pic.twitter.com/HfHHVnWhYc ah hmu thei a nih.

France President Naupangtak Dingin Macron Tling

PARIS: European Union sukhrat peia Muslim helpawhai nasataka tukdawla, France ram inpumkhat tha nawk zuola siema sukhrat tum, kum 39 chauva la upa politics khawm a lutna la sawt lo le a party Centrist "La Marche" khawm kum 2 chauh la ni, Emmanuel Macron chu France President naupangtak la ni dingin Pathienni khan thlangtling a nih. Emmanuel Macron hin mi tamtak beisei angin a khingpui Marine Le Pen chu vote 66% in a hne a. Le Pen hin vote 34% a hmu phak a. Result puong a ni char hin, hneban a ni thu a pawm thu a puong nghal bawk a. Macron ruok chun "hena" a chang pawmin hmabak inkho tak, thaw ding tamtak a nei thu a hril nghal bawk. Hnena a chang zoa mipui kuoma a hril dan chun, France ram sukvl nawk ding le sukhrat nawk ding chun 'thaw ding tamtak, inkho tak' a um thu a hril a. Mani kea ngira European Union le thanguol thiem a



pawimaw ding zie a hril a. Thil 'awlai' chu an naw ding niin a hril. "Khawvelin an mi thlir a. Hmun tina suksietia ei um meknahai siemtha nawk dinga ei pen suok an mi nghak a nih" tiin a hril. Ms Le Pen chun Macron chu a lawmpui thu hrilin, France mipuihai chun 'fedan pangngai la fe pei' an la thlang niin a hril. Macron chun, "Europe mipuihai po po inzawmkhawm nawkna dingin hma ka lak ding a nih" tiin a hril a. Amiruokchu, tuchena a sinthaw dan le experience hai enin ama vote tu tamtak khawmin an ringzo chie naw deu a nih. Macron a party "En Marche" (On The Move) khawm kum 2 chauh a la nih a. Political experience le public life tawng hriet la nei bek lo, banker le sumdawngtu a ni leini politics thilhal baksum a nei an ring a nih. Public life tawng hriet a la nei tlawm suklangna dingin TV live telecast an thawnaah hote te a thawsuol nghal a nih. Hnena thu hrila TV live broadcast thawna dingah, Live TV camera a hring hnung khawma a lan zo zap naw zing a. Camera a bring ta hnung khawma make up a la thaw a. A thuhrlid ding a la practice bawk a. An zoa thu a hril tanin Camera lo lem a

la en nawk a, a muolpho met chu a nih. Macron a tling hin France politics ah inthlak danglamna nasatak a um a. Dan pangngai hrat zing zing hlak centre-right le centre-left hai chu first round ah an tla vawng a nih. Hieng ang hi 1958 a President Charles de Gaulle in 5th Republic a phun a inthawka a vawikhatna a la nih. Voter turn out khawm kum dang, 2002, 2007 le 2012 hai nekin an hnuoi lem. Macron vote-tu 60% chun ama an dit lei nih lovin, Marine Le Pen an dit naw leia an vote niin an hril bawk leini a popular bek nawzie a tarlang bawk. Hienglai zing hin UK Prime Minister Ms Theresa May le US President Donald Trump hai chun an lawmpui thu an thawna. Ten Downing Street thupesawngtu chun, "Macron chu lawmpuina thu kan thawn tah a. France chu Britain ruoltha hlui a ni ang bawkin Brexit chungchangah khawm fel

taka iengkim a mi thawpui kan beisei" tiin a hril. US President Trump chun Twitter hmangin France President thar chu lawmpuina thu a thawn a. "Congratulation to Emmanuel Macron on his big win today as the next President of France. I Look very much forward to working with him" tiin a tweeted. Hienglai zing hin Macron hi a la naupang a, inchuk ding khawm a la hau a. Hlawtling taka President sin a chel theina ding chun 'establishment' thanguina nasatak a mamaw ding a nih tiin official thusuok chun a hril. Mi hnuoihnung le chanvo se lemhai ngirhmun dawmsangna dinga hma la tum, mipui vantlang sin neilohai sin tam lem pek theina ding le mani khat chauh ni lova European Union le thanguola mani ram tungding tum a nih a. Ieng chen am a hlawtling ding ti chu hunin la hung hril a tih.

Ice Cream Trolley
Ice cream trolley tawl-a sum hlaw nuom hai ta din Rengkai ice cream dawra ngaiven thei ning a tih.

LOSS OF PUCCA PATTA
I have lost my pucca Patta No. 284/4269 and Dag Chitha No. 3065/8156 on my way between New Lamka and Sielmat, CCPur on May 3, 2017. Finders are requested to handover the same to the undersigned. Sd/- Tingkhonem Tombing

PIGROW Tablet
VAWK INTHANGNA DAMDAWI
I vawk zawr hun tingna dingin kum khat nek tam nghak ngai tanaw nih. A THATNA: * PIGROW mum hi Company-hai ti dan ang taka i pek chun thla 5 sungin kg. 70 chuongkai hman a tih. * PIGROW mum hin, i vawk chu i pek fana inthawk chawl der loin an thang tir thei.

A PEK DAN DING:
* Vawk pakhatah nikhatah mum 20 (zingtieng mum 10 le zantieng mum 10) pek ding.
* Box khat ah mum 600 a um a, chu chu thlakhat sunga a fakzo ding a nih.
* Rawt phita pek in fak awlsam an ti lem.
INCHAWK THEINAHAI:
1. Hmingi 2. L.K. Screen Printing Bethel, CCPur Lighthouse Lane, CCPur # 8414852391
3. Pet Care Centre, Tiddim Rd. CCPur. Order tam dan dungzuiin HOME DELIVERY khawm kan thaw thei.

LAWMTHU HRILNA
Hun iemanichena inthawk ta khan Pile natna ka nei a. Sawt tak tak inhnawmmin hun ka hmanga a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka taksa a hugn chauin ka hung cher deu deu a. Ka beidawngin MV Azad Phusam ka pan a, hun iemanichen a mi enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka hlawtling MV Azad Phusam chung a hung hril a nih. MV Azad Phusam hi nitin 8AM-4:30PM inkar sunging Centre Road (Oop. ICI Church, ICI Road) Hiangtam Lamka, CCPur-ah pan thei le Mobile Phone Nos. 8014025567/ 7628890261 haiah biekravn thei a nih. Lawmthu hriltu, Sd/-Rose New Lamka

ISIS Hai Hotu Abdul Hasib Kap Hlum A Nih
Image of soldiers in combat.

KABUL: Afghanistan-a ISIS helpawl le Taliban helpawhai dotu Afghan sipaihai chun, Special Force han saktieng Nangarhar biel operation an thawnaah, Afghanistan-a Islamic helpawl ISIS hai hotu lulawk tak Abdul Hasib chu kap hlum a nih tiin President Ashraf Ghani thusuok an hril. Sawrkar thusuokin a hril dan chun, Hasib hi ni kuma ama hmaa hotu Hafiz Saeed US air force han bomb an thlaknaa a thia inthawk khan Afghanistan ah an laltak dinga sie a nih a. ISIS hai chetna rapthlak tak takhaia inhnawmmin tamtak nei a nih. March thla Kabul-a hospital pakhat doktor anga inchei pawl khatin an beinaa khawm khan a thang nia hriet a nih. Nangarhar biel, abikin Pakistan le Afghanistan ramri lai hin Afghanistan le US sipai hai chun ISIS helpawhai inbirkuna puk le hmunhai nasatakin an bei a. Kha hma met, April thla khawm khan "mother of all bomb" (Bomb lai po poa bomb hrattak) an ti chu helpawhai umna puk ah an thlak a, helpawl 94 thinn ram le in lo tamtak a suksiet bawk. Kha tum khawm khan ISIS commander 4 an thi. Afghanistan le US air force hai chun Afghanistan rama inthawka Taliban le ISIS helpawhai tukdawl vawng an tum a. Theitawpin hma an lak zing a. Hienglai zing hin Afghanistan le US sipaihai khawmin an tuor nasa tah em em niin sawrkar thusuok chun a hril a. Helpawhai suksietna dinga pawimaw chu an inbiekpawna network hi niin a hril bawk.

Lungmeihawl khura sietna tungah mi 18 thi
BEIJING: China rama Youxian County-a Huangfengqiao township hmuna Jilinqiao colliery a Lungmeihawl chodawkna khura sietna tungah mi 18 in thina an tuok a, lungmeihawl chodawknaa sinthaw mi 37 hai chu dam le himin an suokdawk a, hospital panpui an nih. China ram hi khawwela lungmeihawl chodawk rawntak an ni a, lungmeihawl khura sietna tung khawm a tam hle a nih. March thla khawm khan Heilongjiang province a sietna tungah lungmeihawl chodawktu 17 in thina an lo tuok ta a nih. (PTI)

Nicki Minaj-in Student 30 a Chawm Ding

LOS ANGELES: Hlasak thiem, milar le hausa ni bawk chun inlarna dinga thil dang va thaw rak khawm a ngai ta naw vei leh, inlar nuom lei reng reng chu a ni ring a um nawh; mihang hlasakthiem le hausa Nicki Minaj (34) chun a fans maktaduo 20 neka tam social media-a zuitu a neihai laia mi 30 chu an sikul fee thangpui an tiem tlat.

thua a hril a. Amiruokchu, dan (kawng) pakhat an hraw ve a tul. Nicki chun, an school/class ah top grade an nih ti an fie thei chun, chuonga thaw tha bik, thiem thei 'top grade' mi 30 chu thangpui an tiem a nih. Twitter-a hril dan chun, chuonga thiem thei mi 30 hai thangpuina ding chun donation thaw a tum thu a puong a. Hmantieng pei khawm a neka tam lem la thangpui pei a tum bawk. Hi thu hi Nicki-in Twitter-a a followers hai kuomah ama an inhmupui theina dinga competition pakhatath thang



dingin a fiel taw! a. A fans pakhatin chuong nekkin a lekha inchukna college fee thangpui lem sien a nuom thu a hril a. Chu phingleh Nicki chun, "I thaw tha 'A Grade' i hmu ti i min hmutura, in sikul leh fie thei a nih chun i fee peng ka tih. Tu tum chu contest chu thang a nuom? Ka ti tak tak a nih. Dead serious. Should I set it up?"

NICKI MINAJ" tiin a fans hai kuomah a hril. Student tamtakin an hung post ve pei a. An sikul le college fee zathai hung hrilin. Pakhat chun, tuition fee, hostel, food le books man ding tiin USD \$6, 000 ((£4,600) a ngen a. Minas chun, "OK. Proof i nei chun, peng ka tih" a tih a. Fiemthu thu takin, "Ok u guys. It's been fun. Let me make those payments tmrw then see if I have any money left" tiin innuina sign emoji a bel a. "Thla khat hni hnungah a neka tam la thaw sang ka tih" tiin a hril bawk.

A tak takin a thaw ding am, student iengzam thang-puina hmu an um. A Followers hai chauh am, India mi khawm an thang thei am, ti le a dang dang hre nuomhai chun, Twitter ah @Nicki Minaj ah hmu thei ning a tih. Milar le hausa hianga charity tienga inhnik hi an um hlak a, Nicki khawm hi a nih. Thil tangkai rak lova social media inhnelpui inhnelpui nek chun hieng ang network dam hi zawm tumin Twitter le Facebook hai hmang tangkai tum la hlawkpui lem ngei i tih.

Emma Watson Best Actor/Actress Award



LOS ANGELES: MTV Movies & TV Awards 2017 chu a hmasataka dingin nuhmei-pasal (male-female) the hranna um tah lo "gender-less" award ceremony hmasatakah, Emma Stone chu "Beauty and the Beast" film a changna ah "Best Actor in a Movie" a lak a. Lawmman dawnga a thuhriina chun, "Acting chu mi mizie changna thil a nih lein nuhmei le pasal the kher kher tulin ka hriet nawh" tiin a hril. Kum 27-a upa Emma Watson hin "Beauty and the Beast" a changna lein million 15 a hlaw a. A film a hlawling hle bawk lein an lar pha em em bawk a. MTV Award-in nuhmei le pasal a hrana the lova an thiemna zai khata an inkhina hun taka Award lakhai nekkin danga Award lakhai nekkin a hlu bik hle a. "Nuhmei le pasal thlier hrang bik tah lova ang khata thil thaw hin mihriem ei ngaidan le hmuadan a suklang a nih" tiin MTV Award bul tantuhai chungah lawmthu a hril a. "Mihai lunginsiet theina (empathy) hin chintawk (limit) a nei ding an nawh" tiin a hril bawk. Emma Watson-in nung-hak hmetha Ramsa/Sah-rang (Beast) le inngaizawng Belle lem a changna "Beauty and the Beast" chu "Movie of the Year" award inlan a nih bawk. Director Bill Condon chun nuhmeihai an thaw nasat dan le thaw hlawk dan hrilin, "Nuhmeihai an thawhlawk tah em a. Tuta inthawk chu Movie industry ah hin danglamna nasatak a hung um pei ta ding niin an lang" tiin a hril. Tu tum MTV Award ah hin "Show of the Year Award" le "Best American Story" le "Best Fight Against the System" hai category thar siem an nih. Category hran hran Award dawngtuhai chu a hnuoia hai hi an nih. MTV MOVIE & TV AWARDS: 2017 WINNERS GENERATION AWARD Fast and Furious franchise MOVIE OF THE YEAR Beauty and the Beast BEST ACTOR IN A MOVIE Emma Watson - Beauty and the Beast SHOW OF THE YEAR Stranger Things BEST ACTOR IN A SHOW Millie Bobby Brown - Stranger Things BEST KISS Ashton Sanders and Jharrel Jerome - Moonlight BEST VILLAIN Jeffrey Dean Morgan - The Walking Dead BEST HOST Trevor Noah - The Daily Show BEST DOCUMENTARY 13th BEST REALITY COMPETITION RuPaul's Drag Race BEST COMEDIC PERFORMANCE Lil Rel Howery - Get Out BEST HERO Taraji P. Henson - Hidden Figures TEARJERKER This Is Us - Jack (Milo Ventimiglia) and Randall (Lonnchie Chavis) at karate NEXT GENERATION Daniel Kaluuya BEST DUO Hugh Jackman and Dafne Keen - Logan BEST AMERICAN STORY Black-ish BEST FIGHT AGAINST THE SYSTEM Hidden Figures TRENDING (Presented by Time Inc.'s INSTANT) 'Run The World (Girls)' Channing Tatum and Beyonce - Lip Sync Battle (SPIKE) BEST MUSICAL MOMENT (Powered by truth*) 'You're the One That I Want' - Ensemble - Grease: Live (FOX)

Prince Harry le Meghan, Kiss Of Luck

LONDON: Nupa thangruol chu hrata a nih ti angin Prince Harry le a biela Meghan Merkle hai chu nupa la ni chie naw hai sienkhawm, an thil thawna na lunruol tak le inditsak taka an thaw chun hnena an chang ve pei ti sukchiengna dingin Inrinni khan Meghan-in Prince Harry Polo khel ding ditsakna kiss a pek lai hmu a nih. Ni kuma inthawka an inzu ti hriet a ni taa chu vantlang hmaa an pahnia inlang kawpna tak tak an la nei nawh a. Inrinni-a Prince Harry-in a support Charity pakhat WellChild thangpuina dinga Audi Polo Challenge, Berkshire hmuana an khelnaa chun, Harry le Meghan vantlang hmaa an inlang kawpna hmasatak ah, Game an tan hmain Harry-in Meghan chu a hei kuo a, Meghan-in ditsakna kiss a hei pek chu Polo game ah a u William leh an rawihai hnena an changpui dawr el



an khingpui han an tuor naw deuh a nih. Puotienga inthawka lo thirtu, "I ke a mawi, I kut a mawi" tia lo tantu an pha chu Game khel khawm a tha a, val an che tak tak thei chauh hlak a nih. Meghan hi Prince Harry ruoltha le sungkuo mi iemani zat kuomah inhmehrietir a nih bawk a. Hitaka inthawk hin Prince Harry chu a serious hle ti an lang thei a. Lalsungkuoa laklut ngei a tuor niin an lang. Harry lut tawmin Meghan-in a darah

duot deuin a hei kuoa, Harry a hung inawn suk metla, a hei fawp chu chun nupa tak tak an hawi tah hle. Meghan bakha hin an inkhel lai entu chu Emma Watson le Gemma Arterton hai khawm an thang a. Harry mentor Mark Dyer khawm Meghan leh an innel hrath hle a. Army officer hlui Mark hin Harry ngaizawng hluihai Cressida Bonas le Chelsy Davy khawm tha a tia chu Meghan hi tha a la ti tak niin Harry hnaitu pakhat chun a hril. Harry le a u William hi Polo khel an thiem em em a. Polo uniform leh titak zeta an hei khel chu lalnau an ni lei ni lovin hne thei ding an vang hle a nih. Tuta Game hi an Royal calendar dungzui chun nipuia an charity sin tanna pakhat a nih a. Tu kuma an sum hmuhai hi chu charity pahni Sentebale le WellChild hai thangpuina ding bik ning an tih.

Justin Bieber Dubai ah Nung-hak Leh Hmu

DUBAI: Canadian lantangval malzai thiem le lung inrawm leia thubuoi hau em em Justin Bieber chu a world tour fe mek le inzawmin Inrinni khan Dubai ah mi tamtak insukdeina hmuna ama khawm nunghak pakhat leh an insukdei a, innel taka an inbiel le an inhnel lai hmu a nih a. Nunghaknu hi tu'm ti ruok chu hriet a ni nawh. Kum 23 chauva upa millionaire singer hi a hlim em em a. Kekawr bul chau bunin a taksa a ziekrang tooo tamtakhai khawm langchang taka hmu thei vavng a nih. Tuipui kamah nunghak zakuohnuoi (bikini) dum chau hak pakhat leh cold drink an dawn a. A lum leia zakuo bova Kekawr bul bun siin mawza var, pheikhaw boin a buna, sunglass leh inhaw a ti hle.



lungkhor lai tak Cross lim a ziek bawk, a pumin a rang nei nuoi el a nih.

Instagram-a a zuitu 85.9 million hai kuomah hi thlalak hi a share a nih, a ngaizawngnu anga hril Hailee Steinfeld-in an inngaizawng naw thu a hril hnungin. Hailee chun tamtakin Justin le inngaizawng anga an hril chu 'crazy' tiin, "Kan inngaizawng nawh. Ruolt ha kan nih a, kum tamtak kan inruol tah. Inngaizawng anga min an mi hril hi mak ka tih" tiin SiriusXM a hril. Justin Bieber a tattoo thar tak, a vawitieng awm hnuoi laia Sakebaknei (Lion) chu a fans hai a share a. Chu ringawt khawm chu dardar khat sungin mi 1.3 million-in an liked hman a nih. A awm, nene changtieng ah Savawm le a phing ah Mu (Eagle) lim a zieka, a chungah "Son of God" ti a ziek bawka. A AIFFF thuoituhai chun, "I League hi inelna insangtak ni zawmpei a ta, Chu ruol ruolin Indian Super League khawm thla sariin keisei ning a ta, kar tawp pei-ah inkhel ni tang a tih. League pahnhai hi tlungzawm ni naw'ng a ta, kum hni, kum thum hnungah thutlukna siem chau ning a tih," tiin a hril. AIFFF president Praful Patel chu zani khan Asian Football Confederations hnuoia India-in hmun a chang dan hai hril dingin Bahrain a lo pan ta a, FC Congress-a thu hritlang ding hai laia hin AIFFF a in-

The 5th Hmar Martyrs' Trophy Badminton Tournament 2017 hawng

CCPUR: May 8, 2017 zan dar 6:00 PM khan Hmar Martyrs' Trophy Organising Board (HMARTOB) le Sinlung Badminton Association (SBA) inkawpa huoihawt The 5th Hmar Martyrs' Trophy Badminton Tournament 2017, May 8-13, 2017 sunga inruolsiekna um ding chu LJ Memorial Hall, JJ Plaza, Rengkai Road, CCPur ah hawngna hunser nei a nih. Hi hunser hi HMARTOB, Hmar Inpu, GHQ; HAA, HSA, HYA le a dang dang thuoitu haiin an uop a. Pu Lalvullien Hmar, Chairman, HMARTOB in thuhriina hun neiin hi tournament hlawting taka nei dingin a ditsakna insangtak an hlan a, hi hunser hi Mr. Immanuel Lalhrietzing Pulamte, Secy., SBA in a kei thuoit a, Introduction of Dignitaries a nei zoin Upa Lalchelzing Joute, Treasurer in Opening Prayer a neia; Mr. Lalremruot Parate President, SBA in Brief History of HMTB Tournament hriina a nei

a, Rev. Joseph R. Joute in Dedication & Closing Prayer a nei zoin hi tournament hawngnain Double Exhibition Match Manipur Govt. Servant le Hmar Inpu, GHQ in an nei a. Govt. Servant ah Mr. Lalhanzam Infimate MCS le Mr. Lalringum Pulamte MPS an inkhel a, Hmar Inpu GHQ tieng ah Mr. David L. Lungtau le Mr. Robert L. Hmar haiin an inkhel ve thung. Hi huna hin minute 1 sung totawkin Hmar Martyrs' hai le SBA member fam lo chang tah hai sunna hun nei a ni a. Hi tournament thupui chu "You are not to be forgotten" ti a nih. Hi tournament a hin mi 87 thangin, Open pasal ah Single 26 le Double 26 in inruolsiekna nei an ta, Under-17 ah pasal 9 in Single ah inruolsiekna nei bawk an tih. SBA hin kum 2013 ainhawk khan hi tournament hi 2015 chen an huoihawt a, anni hin thalema an hriet lein HMARTOB hnuoia 2016



ainthawk khan an hung huoihawt ta pei a nih. (LRS Pu-ruolte, special correspondent)

- Badminton Results *Junior (Under 16)* 1. Dennis R Joute (Bye) 2. Paumuansang defeated Albert 2-0. 3. Lianminlal defeated Liankhansang 2-0. 4. Nandaraj defeated Robert Joute 2-0. *Double Open* 1. Thangboi & Partner defeated C Lalrinzuala & Partner 2. Joseph R Joute & Partner defeated Heleam & Partner 2-0. 3. Suanzalian & Partner defeated Chhuanawma & Partner 2-0. *Open Single:* 1. Lalramruot Parate defeated Heleam 2-0. 2. Samuel Shakum defeated Dr. Bellamy Kom 2-0. 3. Thangboi defeated David Ramnei 2-0. 4. James Lienhmingthang defeated Lalkhogin 2-0. 5. Nandaraj Singh defeated Darthanglien 2-0.

ENGLISH PREMIER LEAGUE:

Liverpool chun Southampton lakah goal an thun thei nawh a; Arsenal-in Manchester United 2-0 in an sawp

English Premier League Super Sunday inkhel pahni um lakah Liverpool chun Inform Southampton an mikhuol a. Goal thun bik um lovin 0-0 in an inang-tawk. Liverpool hin inkhel an thunun hie a, possession khawm 64% an nei phak. Anachu goal tieng an vanduo leiin hratna an chang zo naw a nih. Minute 66 naah Liverpool chun Penalty an hmu a anachu James Milner chun a thun nawh. Tuhin Liverpool hi table-ah point 70 neiin pathumna an ni mek a; Southampton ruok chu 10-na an ni ve thung. Hi inkhela James Milner Penalty



Fraser Forsters-in a save hi Premier chanchin a dinga Penalty vawikhat a save-na a nih. Southampton goal vengtu Forsters hin vawiku Penalty a hmasuon ta a vawikhat char a la save a nih. Inkhel pahnhaiin Arse-

nal chun Manchester United an mikhuol ve a. Goal 2 tawp an lo inba. Minute 54 naah Granit Xhaka chun Arsenal goal hmasa a thun a, chu hnungah United player hlui Danny Welbeck chun minute 57 naah Arsenal ta ding bawkin goal kha a hung thun nawk a. Hun tawp chenah goal dang a lut ta nawh. Arsenal an hrat le inruol hin Champions League kai dinga an inbeiseina chu a la hring liet a, United ruok chu Europa League tieng an champion chun champions league kai an tih. Arsenal le Manchester United hi tuhni Premier League game (tuta season) vawi 35 ve ve an inkhel ta a; United hin point 63 neiin Arsenal hin point 65 an nei ve thung. Chun Arsene Wenger-in Arsenal a enkawla inthawk Manchester United laka a hrat vawikhatna a ni bawk.

I League le ISL lan zawm lo ding



All India Football Federation chun May 6, Inrinni khan tulaia I League le Indian Super League keikawp ding anga hriirika um chu sukpuiting ala ni naw ding thu an puong-gang. Aizawl FC championa I League hi kum thum sung vel chu India rama football club inelna insang tak a la ni ding a nih. AIFFF president Praful Patel chun Kolkata club lien Mohun Bagan le Kingfisher East Bengal thuoituhai chu Mumbai khawpuihai inhmupuiin India rama football hmatiang ding thutlukna nghehtak siem a la ininaw thu a lo hril.

thawka rawtna hung suok I League le ISL-a insang tak team pahni ve ve playoff inkheltir a, chu taka champion hai pahni chu Asian Champions League inkhel tir ding ti le AFC-a India-in quota a nei mek pahni chu pathuma sukpuing ding ti hai a thang. AIFFF hai rawtna hi pawm a ni chun ISL in Asia khawmuolpui hnuoia inelna-ah thang thei ve ta'ng an ta, I League-in hlut bikna a nei AFC-a inkhel theina chu a nei thei ve ding tina ning a tih. League pahnhai hi thla sari ve ve inkhel a nih a, player inkeipaw theilo an ni lem chun player tha haiin pawisa tam lemna ISL an pan lem ring a um a, I League ta dingin thu lawmum bek bek ni naw nih. Inrinnia inbieknaa thang ve East Bengal thuoituhai chun hi thu hi ngaituo nawn nisien an nuom thu media haia an tarlang. I League champion AFC chun AIFFF chun top league an inkheltir naw chun kawng hran hran lungawi nawna inlangtir an tum thu AIFFF President kuomah thawnin, hi thil chungchangah hin Praful Patel chun, "Aizawl FC hai hi nuor thei chi an ni nawh. AIFFF lei chauin relegate hnung I League inkhel nawk theia um an nih. Lungawinawna an inlangtir ding a ni khawmin a tawp khawka inlangtir ding chau an nih. Inselna hin umzie a nei nawh. India rama football fe pei thei dan ding thu chientlem a um hmaa chanchinbumihai kuomah an lungawi naw thu an hriilang hi thil fe dan ding a ni nawh," tiin a hril. AIFFF hotutak chun Aizawl FC lekthawna a la hmu naw thu hrilin, Inrinnia inhmukhawmnaah khan Mizoram club chungchang hi an la ngaituo naw thu a hriisa bawk.

Monaco ta dingin nomawi a hnai tan

AS Monaco ta dingin Ligue 1 nomawi chu a hnai ta hle! Monaco hai hin Nancy hai 3-0 in an hne a, inkhel hma-bak pathum anla nei haia vawi khat hratna an chang a ni chun kum 2000 hnunga an vawi khat league championa ning a tih. Inrinni zana inkhelnaa

khan Nancy defender Tobias Badila chun minute thumna chauah anni tieng goal a suk-lut bakah Monaco ta ding hin Bernardo Silva le Thomas Lemar haiin goal khat ve ve an thun bawk a nih. Monaco hai hin tuta legaue fe meka hin match 35 an inkhelnaah goal 98 zet an thunta a nih.

Inkhel dangah champion lai Paris St-Germain hai chun Edinson Cavani goal hni hmangin Bastia chu 5-0 in an sawp ve thung. Uru-guay international striker hin tuta season-ah hin goal 33 a thun tah a, ama bakah hin Lucas Moura, Marco Verratti le Marquin-

Amir Khan in November-ah ring lut nawk a tum



LONDON: British boxer le world champion hlui Amir Khan (30) chun November thla

khin title inchu nawk dinga boxing ring sung lut nawk an beisei thu a hril. Amir khan hin May 2016 khan weight division inchwamkanin WBC middleweight title inchuin Mexico mi Saul Alvarez an hnekpui a, sienkhawm round 6 naah Alvarez hin a knockout a, hi taka inthawk boxing